

續修白鹽井志賦

藝文志之八

石羊賦

李繼朝

癸未陽和烟消日麗石谷子偃卧於象山之野遨遊於香
水之濱乃見石羊古蹟喟然嘆曰石以羊名羊以石生本
乎蚩蚩之物化爲醜醜之形吁嗟羊乎太極絪縕二五凝
精靜極而動品彙攸分彼蠢雜者性亦同靈心則迷而知
覺異氣已受而變化生何痴情之懜懜倏抱信而硜硜胡

爲平時聚時散可獨可羣幻耶實耶窈窈冥冥棄仙徑之
芳草失道岸之先登匪騰漢之天駟異游郊之祥麟若夫
剛德不改介志斯堅樸誠而謹裴篤而謙不負天放不愛
人憐風風雨雨歲歲年年如藏螫之伏窟類潛龍之在淵
彼白象兮受彈指之馴青獅兮服證道之乘河馬兮洩陰
陽之秘洛龜兮露理數之精玉兔兮毫芒幾損於杵石鯨
兮鱗甲罔挫於溟涬猿兮腸斷上林之果鳴鹿兮魂消綠
野之萍豢龍兮滋滌涎之變溫犀兮恐滅燭之昏龜鼉兮
驚負勝之鼓角端兮煉敗北之金猩猩兮慘絳紅之染駱
駝兮痛峯巒之烹狼籍兮畏烽煙之火狐疑兮懼凍解之

冰遼豕兮貽痴肥之笑黔驢兮動鄙賤之稱碩鼠兮嗟入
社之竊黃犬兮愧道路之奔則見追風千里險阻備嘗駢
足恐後六轡時傷抑有縛輶百兩毛骨將穿仔肩任重鞭
朴催殘何如化石萬古常眠依聖母兮宛然跪乳勒金書
兮無事觸藩夫何愧於虎變北闕抑似取乎豹隱南山況
乎源開斥鹵澤潤盤餐報國鹹心耿耿樂天知命綿綿斯
足以爲版圖之盛而得參乎造化之先

北極山文殊閣賦

李建中

原夫天不藏秘丕昭雲漢之文地罔惜珍顯列崗巒之體
羅浮因風雨爲離合似屬渺茫須彌以沕穆爲有無亦涉

幻臆惟芙蓉紫蓋衡岳之秀麗難企玉笋瑤簪桂林之佳勝莫並凡武彘秦岱華嶽崑崙外其爲耳目不及經筆墨不盡述者何可勝道白井自南而進去關二里許有白塔峰往來經行塔下歷平沙渡溪河層巒疊翠山勢插霄者爲北極山山腰窩聚結以樓臺爲文殊閣山頂有亭名毘盧頂其有鑿險而上歷危磴附葛藤斜闢徑閣後則爲玉皇寶殿左則爲觀音幽岩此山勢之極險者由左廂有香積廚鐘鼓樓頭推窗一望則羣峰侍列萬竈凝烟靜夜澄觀一泓明月此其大觀也返照者寺上朝曦未及午暄仍偏惟申及酉而陽和始遍鳥雀爭鳴晴光四映是其境也

惜其流則淺耳倘障川源而東注卽西湖之景色何殊又
其地則僻耳苟移山岳於北溟雖南海之聲靈靡異不有
誌賦益愧山林爰作蛙鳴聊備採擇其辭曰惟石羊之寢
宅緊北極其穹窿祖靈芝而繡錯辭樓殿以排空迂宕堯
而欹瀉亦迅奮於疾颺勢實始乎南下龍乃曲抑廻旋而
欲東故其朝曦暗渡午日潛移投閒置散盛夏之宜迴光
返壁雲倚霞披鳥聲上下樹色迷離衛武乘茲而興逸姜
呂當此則神怡得西日於遲暮自是見新月之初基爾乃
峰回勢轉虎踞麟盤中間禹竇佳氣闌闌高人卜其臧吉
遂木集而工攢駕虬龍兮飛欒作雕題兮巨楹藏烟霧於

棟杪巢燕雀於簷端探仙人之舊館詢西域於旃檀及其
跂足東之徘徊嶺畔目送平疇心期雲漢步毘盧之極巔
開雲帡之四玩聆爽籟於冥空覩天光之璀璨若夫躡石
磴履巉巖攀藤葛陟危巔行若類乎履薄心若惕乎臨淵
迨登幽元之府如遊島嶼之天身似浮於碧落意猶挾夫
飛仙一仰玉毫之範一瞻妙相之圓及其挽手而下勢若
猿牽纍珠墮地意始悠然旣探險以尋壑亦可翹足而望
川於是循廊西折登彼南樓啟窗一覽異地來眸俯巨岩
而峭立臨百尺於原邱收一川之風景挾兩岸之烟浮視
浮屠之七級恍一葉之扁舟綴黃昏之夜氣燦萬點之星

毳值明月之輝朗渾四序其如秋彼夫士女嘻哦春夏倍
多提壺挈盒珮曳裾拖穿芳徑而荏苒梯危石以蹉跎倚
欄干而睇眄現仙子於雲窩又或詩人詞客執政賢僚臨
高寄傲登谷長謠情惓惓而莫去神悵悵其思颺蟲亦資
其太息鳥若助其凌囂迨夫樵人牧豎過客遊僧經行其
下薄暮烟凝覩殿閣之高僻見蔥蔚之峻嶒聽鐘聲之逸
響覺身世其何憑思晏然於一息恍泰岱之莫登嗟乎玲
瓏嶮寧婉同海上風期岫岫珣璘大似湖間色相惜車馬
不聞其輻輳遂川陵遠隔夫中洲未遭澎湃之浸潤又乏
舟楫之探求以致山林之減價彷彿明珠之暗投幸明公

之卓識大知遇於旁搜琢蕪詞而載賦聊以代夫山岳作
鳴騶

石羊賦

貢生 陳廷佐

梁州鹹地白井齡舒脉通海竅涵洩精華雪團萬竈烟籠
千家南襟弄棟北枕金沙東挹蛉川之秀西隣洱水之涯
調和二十四屬之羹鼎運轉百千萬數之騶驂余嘗遐稽
遠覽而知賦餉於漢制增於唐山皆聚首河亦流香非必
爲攻玉之所積甯遂屬維羣之所藏奈何迴龍不作號碧
象不命名而獨稱之曰石羊嗚呼噫嘻有自來矣蓋聞洞
庭郡女托跡烟波踏冉冉之芳徑捫茸茸之薜蘿顧森林

而求牧驅眾羝以蹉跎當其山光分界水勢橫拖心幽賞
兮曲曲情暢酬兮多多及其斜暉樹杪倦鳥笙歌景觸目
以思返路催歸而欲過爾乃執鞭起舞呼羝言旋驅之不
返追之不前但見惟土是餽共耽厥鹹乃知百味之主專
美於鹽鑿而深馬資以調元官山不遠煮海長綿潤澤羣
生禩萬斯年於是掘其泥引其漿探雲根於蛟窟獲神物
於天荒詎去匪石居然一羝謂卽所驅之羝倏焉化石爲
羊況乎胸前有字大書勅封隆以聖號比以金容加以將
軍之職饗以聖母之宮香烟靄靄血食濃濃不以爲天開
五井地伏五龍而總歸之一羝創始之豐功此石羊所由

名也然余又聞之石之象物亦夥矣秦國石牛置金而伐
蜀霍家石馬馬足以捍門梵刹當開則石雞鳴於北廠風
雨交作則石燕飛於零陵石麟擬諸徐陵髫齡兆文明之
瑞石鴈賜諸楊裕雌雄發男女之祥他如石龜以載碑象
壽也石獅以衛署象尊也石龍以吐泉象靈也若夫張侍
郎追虎於嶠而虎化石更有所謂石虎者又何獨於石羊
而異之也哉乃爲之歌曰天生石羊開風之先鍾英大界
發涵之源人文漸熾孔廟尊嚴春秋祭祀桃李爭妍提鱗
者宰暨彼屬員地僻事簡風俗安閒廬舍相接絃歌相連
人心渾穆煎水代田通商裕課利濟西滇賦供國用食足

民間物華天寶熙熙綿綿要非石羊莫爲之前

羊城賦

進士趙
瀋人趙州

龍溪子仕而歸休老而好遊嘗登高臨深以攬雲物
由金沙鹿滄而徧龍湫孤踪偶止於弄棟疆域實隸
平髯州則見漢號青蛉古稱越雋夾溪澗少原隰疆
城擴於東隅道塗當其西壁近接洱蒼遠宗金碧其
山則一龍廻首萬驥犇槽威鳳覽輝而下巨象垂鼻
而朝寶關迤邐而萃嶽緣蘿盤曲以飛濤邱伏巒低
相鼠潛窟崖懸壁削北極凌霄玉筍插漢金字高標
胥彎環而相聚慶結風脉以噴脂膏其泉則石谷峙

而東來香河繞而中貫六橋通道五井漉漫漑滴響
笙瑟之音噴薄儼珠玉之散加以安豐之補苴足資
金帛之烹煉百千餘戶賴作菑畚二十四郡需其調
膳溯厥瀉滷之淵源實繇牧羝之郡女石羊現而邀
封觀音化而受祉編氓於此聚居官司因而治理祠
廟倚山而蜚飛樓閣入雲而霞舉若夫攢金購薪熬
波瀰素晝夜薰蒸春秋鎔鑄摻摻女手以成團圞
盈階而入庫屯積雪於春宮轉嚴霜於暑路抱明月
以盈懷嘗水晶如甘露歲銷七百萬之多餉足億千
軍之數淵源益見滔漭黎元因而富庶廼有理畦正

職贊化名員鄙孔桑之牟利貴甄勰之至言

甄探元
細皆有

鹽

論憫竈丁之艱瘁奠險道之迍邐而且設義塾聚書

篇興學勸教側席禮賢朝益暮習春誦夏絃既儲英

以育秀期跨竈而冲烟於是龍池蛟奮象獻鵬搏蟾

宮桂馥綾餅香傳或種潘花於赤縣或采苜蓿於欄

杆或茹紫芝於藝圃

學地會
生芝

或擷秀藻於騷壇亦有

幽人韻士雅好登臨聽黃鸝於柳岸踏綠芷於沙汀

振衣毘廬之閣濯纓聖水之亭遊大羅以舒目躋天

台而摘星水月擅林谷之勝齊雲標澹靜之形一邱

一壑可探可尋至如俗重酬神春多報賽絲結綺樓

笙歌盡態士女雜遯煙雲鬢鬢喧法曲於梨園舞霓
裳而狡獪至彌月以連宵殊廢時而侈泰總恃宇宙
之隆平豪華胥資乎鼎鼎思砥柱於中流迴波瀾於
澎湃重爲歌曰繁滇益之井養兮自東漢而始通迨
蒙詔之事唐兮石羊舐而益充陋他井之黝其色而
塊其形兮此獨玉之皎而雪之崇上供太廟之虎形
兮下爲百味之所宗遠資各郡之調劑兮近助閭黨
之豐隆長荷

聖胡之沛澤兮湛恩汪濊於不窮更值大吏之愷惻兮倣
劉晏之恤竈而惠工將含哺而歌帝力兮靡不向化

而從風

寶關山賦

前人

昔管敬仲煮海先之以官山蓋山利於海海資於山山海
相成而出鹽以供民食調其鼎焉和其羹焉百姓日用而
寶煖不離焉故鹽爲百味之寶與穀爲萬方之寶無以異
也司治西去數武設一關曰西關關外卽山山卽所謂寶
關者考其巔末脉祖於百里外十二雙峰聯絡如貫珠圓
淨若弄丸盤旋曲折起伏頓挫形勢高聳草木叢雜毓杞
梓榲桲之藪鍾蕙荀茅茹之零材取於中薪採於中卽此
命爲寶山已不多讓而況更有足誌者山自南而西層巒

疊嶂翠岫凌霄甘露之菴踞其巔妙華之刹托其足象巖
峻而左峙龍泉清而右旋面照曇華背擁天乙香河半曲
圈太極於襟前東壁羣巖列秀屏於幕下當夫陽春應律
花魁遍野觀不盡鐵骨冰肌至若盛夏方炎松韻聯蟬聽
不窮江波漢浪白露洗而黃槐索句朔風飄而紅葉留題
孔道中通一路任鹽車輻輳長坡直上四時多巇使奔馳
朝於斯而放關若者榆若者蒙就地數團團玉潤暮於斯
而給引孰爲永孰爲慶拈毫計箇箇珠圓會選勝嘉賓則
曰井上別無餘不過梅霜當白壁際探風太史但咏山中
何所有惟憑鹹雪作南金本非琬琰崑崗價重滇西半壁